

Situs.

Soli fertilitas.

Animalium va-
rietas.

Mare.

Imperium ma-
ritimum.

Incolarū virtus.

Opida.

Gerzey.

Nomina.

Ex hac situs vicinitate, & nominis affinitate *Vectam* hanc *Itam* esse opinari licet, quæ maris fluxu Insula videbatur, at cum refluxisset, exiccato interjecto littore, Britanni præci curribus eo stannum devehere solebant, quod in Galliam exportaretur. *Mistim* tamen esse *Plinii*, quæ arcta item cognatione *Vectam* attingit, non judicarem, cum in ea candidum plumbum proveniret, & in hac nulla sit, quod sciam, Metallī vena, inquit *Camdenus*. Hæc inter Ortum & Occasum lenticulari sive ovali figura viginti mill. pass. longitudine exporrigitur, latitudine vero in media qua maxime patet xii mill. pass. expanditur, altero latere ad Boream, altero ad Austrum converso. Terra est uberi gleba & colono admodum grata, adeo etiam ut fruges exportet; Cuniculorum, Leporum, Perdicum & Phasianorum passim ferax: saltum etiam & vivaria duo habet, *Damis* ad venationis voluptatem refertum. Per medium longo tractu procurrunt colles qui Ovibus pabula affatim profundunt. Quarum lanæ post vellus Lemsterianum & Cottessvoldianum optimæ habentur, & in primis pannariis expetuntur, unde maximum surgit Incolis lucrum & commodum. Pars Septentrionalis pratis, pascuis & silvis viret; Australis frumentariis quasi tota jacet campis, ubique fossis & sepibus interclusa. In extrema utrinque parte Mare a Boreali plaga ita se insinuat & penetrat, ut duas fere efficiat Insulas, & Insulæ sane Incolis vocantur, scilicet quæ ad Occasum prospicit *Freshvater Yle*, quæ ad Ortum *Bimbrydg Yle*. In Romanorum potestatem primus hanc Insulam redegit *Vespasianus* dum privatus sub *Claudio* meruit, quemadmodum de eo scribit *Suetonius* in *Vespasiano*. Saxonum vero primus *Cerdicius* juris sui fecit, concessitque *Stuffæ* & *VWhitgaro*, qui Britannicos Incolas ad internecionem sustulerunt; inde *VVolpherus* Merciorum Rex *Vectam* in suam potestatem redegit, & *Edelvalcho* Australium Saxonum Regi tribuit. Postea *Cædvalla* Occidentalium Saxonū Rex *Edelvalcho* illo occiso, & *Arvando* Insulæ *Regulo* sublato, suo imperio adjuxit. Sed de his plura vide apud *Camdenum*. Incolæ natura bellicosissimi & promptæ audaciæ, militesque strenuissimi. Bedæ ætate mille ducentarum familiarum Insula censebatur, nunc triginta sex opida, vicos & castella numerat. Inter Opida celebriora sunt *Newvport* primum Insulæ emporium, olim *Medenā* & *Novus Burgus de Meden*, unde tota regio in *Eastmeden* & *VWestmeden* dividitur, ut hinc vel Ortum vel Occasum respicit. *Brading* alterum opidum mercatorum, *Newvton* & *Yarmouth* quæ suos habent *Majores*, & *Burgenses* ad Comititia Parlamentaria mittunt. *Tarmonthæc* & *Sharpnore* castella habent, quæ cum *VVorleys* propugnaculo littus ad Occasum æstivum defendit, Quibus ex opposito vix duorum milliarium interstitio objacet *Hurst* lingulæ impositum *Hantonensis* Comitatus munitum. *Quarre* ubi virginibus velatis monasterium anno 1132 positum; *Gods Hill* ubi ad ingenia excolenda Scholam instituit *I. VVorley*. *VWestcorve* & *Eastcorve* jam ruinofum, quæ in faucibus *Neoportus* *Hæricus* viii construxit. Et ad Ortum æstivum *Sandham* castrum tormentis majoribus, ut cætera instructa, Nec naturæ defendentis munimenta desunt, rupibus enim abruptis continua serie præcingitur, subsuntque occulta saxa. Atque hæc duæ Insulæ littori Angliæ adjacent. Magis ad Occasum nonnullæ Insulæ Gallicæ prætentæ, Anglici tamen juris in alto apparent; inter quas *Gerzey* & *Garnzey* primumque *Normanniæ*, sive *Lexobiorum* littori quos Britanni nostri *Lettau*, quasi littorales vocant, *Cæsarea* ab *Antonino* memorata adjacet, quam Galli